

**SAVEZ LOVAČKIH DRUŠTAVA TK
T U Z L A**

P R A V I L N I K
O PRIZNANJIMA I ODLIKOVANJIMA
ZA RAD NA UNAPREĐENJU LOVSTVA U TUZLANSKOM KANTONU

Tuzla, 16.04.2010.godine.

Na osnovu člana 24. tačka 1. Statuta Saveza TK, Skupština Saveza LDTK, na sjednici održanoj dana 16.04.2010.godine, donosi

PRAVILNIK

O PRIZNANJIMA I ODLIKOVANJIMA ZA RAD NA UNAPREĐENJU LOVSTVA NA TUZLANSKOM KANTONU

I – OPŠTE ODREDBE

Član 1

Ovim Pravilnikom regulišu se vrste, kriteriji i načini dodjele lovačkih priznanja i odlikovanja, koja dodjeljuju članice Saveza Lovачkih društava Tuzlanskog kantona (u daljem tekstu „članice“) i Savez Lovачkih društava Tuzlanskog Kantona(u daljem tekstu „Savez“).

Član 2

Članice udružene u Savez, ustanovljavaju lovačka priznanja i odlikovanja koja dodjeljuju za naročite zasluge u razvijanju i unapređenju lovstva.

Član 3

Članice ustanovljavaju vlastita priznanja za lovačke zasluge u vidu Zahvalnica i Diploma čiju sadržinu i oblik propisuje Predsjedništvo Saveza.

Odluku o dodjeljivanju ovih priznanja donosi Predsjedništvo članice. Odluka Predsjedništva o dodjeli priznanja je konačna.

Član 4

Lovačka priznanja se mogu dodijeliti:

- Lovачkim društvima,
- Članovima lovačkih društava i drugim licima koja se ističu svojim radnim doprinosom u lovstvu,
- Drugim organima i organizacijama koji svojim radom doprinose razvoju i unapređenju lovstva u TK.

Priznanja i odlikovanja iz prethodnog stava dodjeljuju se za zasluge i rad na unapređenju lovstva u Kantonu i van njega.

Član 5

Pod zaslugama na razvoju i unapređenju lovstva podrazumijeva se rad na razvoju, zaštiti i naseljavanju divljači, uređenju lovišta, suzbijanju krivolova i ostalih nezakonitih radnji u lovstvu, razvoju lovnog streljaštva, podršci i unapređenju lovne etike i afirmaciji lovstva uopšte, naučno-istraživačkim i stručnim radovima u lovstvu, radovima na stručnom osposobljavanju i uzdizanju kadrova u lovstvu, kao i za druge zasluge koje su od opšteg interesa za lovstvo.

II – PRIZNANJA I ODLIKOVANJA

Član 6

Lovačka priznanja članica su:

1. ZAHVALNICA
2. DIPLOMA

Lovačka priznanja Saveza su:

1. PLAKETA

Lovačka odlikovanja Saveza su:

1. LOVAČKA BRONZANA ZNAČKA
2. LOVAČKA SREBRNA ZNAČKA
3. LOVAČKA ZLATNA ZNAČKA

Posebno lovačko priznanje je:

1. DIPLOMA POČASNOG ČLANA

Izgled, veličinu i druge karakteristike lovačkih priznanja članica, određuje članica neovisno.

Lovačke značke su od bakra kovane, dimenzija 40x35x2 mm, reljefne, pozlaćene, matirane pijeskom i polirane, srebrne i bronzane-patinirane.

Značke su ovalnog oblika, grafički stilizovane, u obliku štita, omeđene sa strane grančicama sa jednom polukružnom lentom u donjem dijelu.

U sredini se nalazi, u gro planu trofej-rogovi srndaća, a u pozadini tava sa slanom vodom koja se isparava.

U gornjem dijelu upisan je tekst:

« **SAVEZ LOVAČKIH DRUŠTAVA TK- TUZLA** », a u lenti tekst:

« **LOVAČKO ODLIKOVANJE** ».

Iznad odlikovanja nalazi se pločica privezana za odlikovanje na kojoj se nalazi kopča, kao i natpis (Lovačka zlatna, srebrna ili bronzana značka).

Ispod Odlikovanja postavljena su dva lovačka simbola tj. roga za oglašavanje u koje su usađene grančice hrastovog lista.

Lovačke plakete su od bakra, kovane, dimenzija 15x12 cm, grafički stilizovane u obliku štita, omeđene sa strane grančicama, sa jednom polukružnom lentom u donjem dijelu, u kojoj je upisan tekst: « LOVAČKA PLAKETA ».

U sredini se nalazi u gro planu trofej-rogovu srndaća, a u pozadini tava sa slanom vodom koja se isparava.

Ispod lente postavljena su dva roga za oglašavanje (lovački simbol) u koja su usađene grančice hrastovog lista.

U gornjem dijelu upisan je tekst «SAVEZ LOVAČKIH DRUŠTAVA TK-TUZLA ».

Na istoj podlozi Plakete nalazi se ploča dimenzija 12x2,5 cm na kojoj će biti upisano lice ili organizacija kome se dodjeljuje Plaketa, kao i Tuzla i godina uručenja.

Član 7

Prijedlog za dodjelu lovačkih priznanja i odlikovanja pojedinim licima mogu uputiti:

- Lovačka društva
- Ostale organizacije čiji je rad i djelovanje u vezi sa lovstvom ili ako svojom djelatnošću doprinose razvoju lovstva.

Prijedlog za dodjelu priznanja i odlikovanja članici ili drugoj organizaciji u Federaciji BiH i van nje, može dati Predsjedništvo Saveza.

Član 8

Odluku o dodjeljivanju priznanja i odlikovanja koje dodjeljuje Savez donosi Predsjedništvo Saveza na prijedlog Komisije za priznanja i odlikovanja, koju imenuje Predsjedništvo Saveza sa mandatom od 4 godine.

Troškove izrade lovačkih priznanja i odlikovanja snosi u cjelokupnom iznosu predlagač odnosno Članica.

Član 9

Zahvalnica, diploma i plaketa za zasluge u lovstvu dodjeljuje se organizacijama i pojedincima koji su u određenom periodu doprinijeli radu na unapređenju lovstva, lovnog streljaštva i kinologije.

Odlikovanja se dodjeljuju članovima lovačkih organizacija i drugim licima koji su svojim radom kroz duži period doprinijeli napretku i unapređenju lovstva.

Član 10

Lovačka priznanja i odlikovanja koja dodjeljuje Predsjedništvo i članice Saveza, dodjeljuju se posthumno izuzev Plakete.

Za lovačku zahvalnicu-diplomu može se predložiti lice sa najmanje 3 godine lovačkog staža i koje ispunjava uslove iz člana 9. ovog Pravilnika.

Za lovačku bronzanu značku može se predložiti lice sa najmanje **10** godina lovačkog staža, pod uslovom da je od svoje matične organizacije najmanje jednom zvanično pohvaljen, odnosno da mu je Lovačko društvo dodijelilo diplomu ili zahvalnicu za zasluge, te da ispunjava uslove iz člana 9. ovog Pravilnika.

Za lovačku srebrnu značku može se predložiti lice koje ima najmanje **15** godina lovačkog staža, pod uslovom da je od svoje matične organizacije najmanje jednom zvanično pohvaljen, odnosno da mu je LD dodijelilo diplomu ili zahvalnicu za zasluge, te da ispunjava uslove iz člana 9. ovog Pravilnika.

Za lovačku zlatnu značku, može se predložiti lice koje ima najmanje **20** godina lovačkog staža, pod uslovom da posjeduje jednu od niže rangiranih lovačkih značaka, te da ispunjava uslove iz člana 9. ovog pravilnika.

Član 11

Članice i organi Saveza mogu predložiti dodjelu priznanja i odlikovanja drugim organizacijama na kantonu i van njega, bez obzira na kriterije iz prethodnog člana ovog pravilnika.

Opravdanost ovakvog prijedloga ocjenjuje Predsjedništvo Saveza, koje i dodjeljuje priznanja i odlikovanja.

Isto tako, Predsjedništvo u izuzetnim slučajevima može dodijeliti jedno od lovačkih priznanja i odlikovanja pojedincima, ako utvrdi da je njihova aktivnost od naročitog interesa za lovstvo na kantonu u cjelini i šire, te da za takvo priznanje i odlikovanje postoji prijedlog članice u kojoj je predloženi član.

Član 12

Kad neko od organa ili članica Saveza predlaže dodjelu priznanja i odlikovanja organizaciji ili pojedincu iz drugih kantona ili Federacije treba da o tom konsultuje Predsjedništvo Saveza, koje donosi konačnu odluku.

III – NAČIN PREDLAGANJA I DODJELA ODLIKOVANJA

Član 13

Prijedlog za dodjelu jednog od priznanja ili odlikovanja Saveza, upućuju predlagači Komisiji iz člana 8. ovog Pravilnika na propisanim obrascima, nakon prethodno provedenog postupka u skladu sa članom 7. ovog Pravilnika.

Predsjedništvo Saveza propisuje posebne obrasce za dodjelu lovačkih odlikovanja koje predlagači treba da uredno popune i dostave na razmatranje Komisiji.

Obrasci se preuzimaju u tehničkoj službi Saveza u dovoljnom broju primjeraka a što je u zavisnosti od broja predloženih kandidata. Obrasci se popunjavaju u duplikatu, tako da po jedan primjerak obrasca predlagač može zadržati za svoju arhivu.

Član 14

Komisija za priznanja i odlikovanja razmatra prijedloge članica i drugih lica, utvrđuje prema kriterijima opravdanost prijedloga i u formi Zapisnika dostavlja svoje mišljenje Predsjedništvu Saveza.

Prijedlog predlagača i mišljenje Komisije razmatra Predsjedništvo Saveza na prvoj narednoj sjednici i donosi konačnu odluku o dodjeli priznanja i odlikovanja.

Član 15

Lovačka priznanja i odlikovanja ne mogu se dodjeljivati licima koja su pravomoćnom sudskom odlukom osuđena za krivično djelo ili prekršaj iz oblasti lovstva, osim ako nisu nastupili zakonom predviđeni uslovi za brisanje izrečenih kazni iz Kaznene evidencije.

Lovačka priznanja i odlikovanja ne mogu se dodjeljivati licima kojima su, pravomoćnom odlukom disciplinskog organa članice, izrečene disciplinske mjere, osim ako je od izdržane, zastarjele ili oprostene disciplinske mjere protekao rok od 3 godine.

Član 16

Dodjela priznanja i odlikovanja se vrši jednom u 4 godine uz ograničenje, da broj prijedloga za dodjelu lovačkih odlikovanja (bronzana, srebrna i zlatna značka) može biti najviše do 5% ukupnog broja lovaca u članici koja predlaže dodjelu.

Prijedlozi za priznanja i odlikovanja iz člana 6. stav 2,3 i 4. ovog Pravilnika dostavljaju se stručnoj službi Saveza, najmanje tri mjeseca prije obilježavanja jubileja.

Kada se u Savezu prikupe prijedlozi, saziva se Komisija koja prijedloge razmatra i upućuje Predsjedništvu sa mišljenjem radi usvajanja.

Priznanje i odlikovanje sa diplomom jedne vrste može biti dodijeljeno predloženom samo jedanput.

Diplome za priznanja i odlikovanja potpisuje predsjednik Saveza ili član Predsjedništva kojeg ovlasti predsjednik.

O izdatim priznanjima i odlikovanjima vodi se posebna evidencija u Savezu.

Član 17

Priznanja i odlikovanja uručuju se odlikovanom licu od strane ovlaštenog predstavnika saveza kojeg Predsjedništvo odredi.

Član 18

Priznanja iz člana 6. stav 1. ovog Pravilnika koja dodjeljuju članice, uručuju se takođe u skladu s odredbama prethodnog člana ovog Pravilnika.

Član 19

Oduzimanje lovačkog priznanja, odnosno odlikovanja može se izvršiti u svim slučajevima ako se tačno utvrdi da je pojedinac, odnosno organizacija kojima je ono dodijeljeno, učinio-la takve radnje koje krnje ugled Saveza ili Članice i predstavljaju krivični i etički prestup, a u skladu sa članom 15. ovog Pravilnika.

Odlikovanje ili priznanje se može oduzeti na zahtjev predlagača, Komisije ili na zahtjev člana organa Saveza po saznanju.

Prijedlog za oduzimanje priznanja ili odlikovanja treba da bude obrazložen, a odluku o tome donosi Predsjedništvo Saveza.

Zabrana prava posjedovanja oduzetog odlikovanja objavljuje se u Lovачkom listu, glasilu Saveza.

Član 20

Oduzeto odlikovanje odnosno priznanje na način i u postupku iz prethodnog člana ovog Pravilnika, ne može se istom licu ponovo dodjeljivati.

O oduzetom odlikovanju ili priznanju vodi se posebna evidencija kod službi Saveza.

V – POSEBNO LOVAČKO PRIZNANJE POČASNI ČLAN

Član 21

Počasni član je najveće lovačko priznanje određenom lovcu za njegov nesebični dugogodišnji rad i djelovanje u oblasti lovstva.

Počasni član lovačkog društva može postati član koji ispunjava slijedeće uslove:

1. da je u proteklom periodu odlikovan zlatnom značkom;
2. da mu tokom lovačkog staža nije izricana disciplinska mjera, nije prekršajno niti krivično kažnjavao za prestup iz oblasti lovstva;
3. da je u svojoj lovačkoj karijeri navršio najmanje 30 godina uspješnog lovačkog staža.

Član 22

Prijedlog za proglašenje lica za počasnog člana utvrđuje Predsjedništvo članice Saveza. Na takav način obrazložen prijedlog se upućuje Komisiji za priznanja i odlikovanja koja u skladu sa odredbama ovog Pravilnika, isti upućuje Predsjedništvu radi usvajanja.

Počasnim članom može biti proglašeno lice samo u jednom lovačkom društvu na teritoriji TK.

Član 23

Počasnom članu se uručuje posebna diploma, posebna članska knjižica, kao i obilježje Počasnog člana.

1. Diploma Počasnog člana je :

Diploma je izrađena na ele ere papiru 250gr/m², dimenzija 350x250 mm u četiri boje. Diploma je oivičena okvirom sa motivom listova. U četiri ugla u vinjetama je štampana divljač. U gornjem lijevom uglu je lik srndaća, u desnom uglu je lik zeca, u donjem lijevom uglu je bijela divlja patka, a u desnom uglu je lik fazana. Unutar okvira na lijevoj strani po sredini uštampan je znak Saveza LDTK, a u desnoj strani je uštampan tekst: Dodjeljuje, a ispod ove riječi odštampan je tekst: DIPLOMU. Ispod ovog teksta uštampana je crta, a ispod iste tekst: POČASNOM ČLANU.

U donjem dijelu sa lijeve strane odštampano je Tuzla, i crta za datum, a u istoj ravni sa desne strane uštampan je tekst «Predsjednik».

2. Članska karta počasnog člana:

Na prednjoj strani nalazi se fotografija i natpis «Savez lovačkih društava TK», a ispod toga «Članska karta Počasnog člana». Dimenzije karte su 8,5x5 cm.

U donjem dijelu su ucrtane četiri linije za upisivanje imena, prezimena, imena oca, te matičnog broja.

Na poleđini upisan je tekst: Na osnovu članu 23. tačka 2. Pravilnika o priznanjima i odlikovanjima, svakom počasnom članu ovog Saveza dodjeljuje se posebna članska karta.

3. Obilježje Počasnog člana:

Obilježje počasnog člana je od bakra, kovano i pozlačeno, matirano pijeskom polirano, dimenzija 5x1,2 cm u kome je upisan sljedeći tekst: Savez lovačkih društava TK Tuzla, a ispod POČASNI ČLAN, na poleđini obilježja nalazi se kopča.

Član 24

Počasni član ima sva prava redovnog člana.
Počasni član je oslobođen obaveze plaćanja članarine.

VI – PRELAZNE I ZAVRŠNE ODREDBE

Član 25

Imena odlikovanih lica i organizacija, kao i počasnih članova, po pravilu se objavljuju u lovačkom glasilu lovaca TK.

Član 26

Odlikovana lica koja dokažu gubitak lovačkog odlikovanja odnosno priznanja ili diplome, mogu zatražiti isto odlikovanje ili diplomu, koja će im se izdati kad se utvrdi opravdanost takvog zahtjeva uz naknadnu naznaku «duplikat».

Član 27

Lovačka odlikovanja i posebna priznanja se po pravilu nose na svim svečanim lovačkim prigodama.

Lovačka odlikovanja i posebna priznanja se nose na lijevoj strani prsa.

Član 28

Bliže tumačenje ovog Pravilnika daje Predsjedništvo.

Član 29

Odredbe ovog Pravilnika stupaju na snagu danom usvajanja na redovnoj sjednici Skupštine Saveza TK, a primjenjivat će se od 16.04.2010.godine.

Stupanjem na snagu ovog Pravilnika prestaju da važe odredbe Pravilnika o priznanjima i odlikovanjima SLD TK od 03.04.2000. godine, kao i sve njegove odredbe i dopune.

Član 30.

Postupci predlaganja i dodjele priznanja i odlikovanja, započeti po odredbama starog pravilnika o priznanjima i odlikovanjima SLD TK, provest će se do 30.04.2010. godine po odredbama tog pravilnika.

Tuzla, 16.04.2010.godine.

PREDSJEDNIK
SAVEZA LOVAČKIH DRUŠTAVA TK

Faruk Huskanović dipl. pravnik